


青浦縣志

雜記下  
祥異  
雜記上




		九	漢
	一	〇	書
	〇	九	門
一	二	四	類
四	架	函	號

庫		文		閣		內	
元	九	〇	九	〇	九	〇	漢
二	一	〇	二	〇	二	〇	書
八	四	二	二	二	二	二	類
架	冊	號	類	架	冊	號	類

內閣文庫			
番號	漢	9092	
冊數	14 ( 14 )		
函號	292	35	

卷三十九  
四十八




青浦縣志

卷三十八

祥異

淺草文庫



洪範庶徵具言休咎周禮觀分星道士訓皆有專官  
 而春秋之作記災異者一百二十有二無水不雨多  
 麋有蜚無不具載世謂五行災異之說始於讖緯家  
 諺也天垂象見吉凶感召之理容有足相考者今康  
 熙八年以前悉從舊志其後或采之官牘或得之雜  
 紀刪其繆悠不經者都為一卷編次於後

秦時出拳縣始皇出獵改為長水縣先是有童謠曰城門  
 有血陷沒為湖有老嫗聞之每旦往窺城門守者欲縛之

青浦縣志

卷三十八

祥異

嫗白其故得釋後守者殺犬以血塗門嫗明旦又往見血  
亟去忽大水至淪沒爲谷因名谷水

吳黃龍三年春二月由拳野稻自生

宋建隆初澱河三姑廟後一山湧出波浪中隱隱與水平  
久之寢大

淳熙十一年大風有二龍戰于澱湖殿宇浮屠爲之飛動  
頃之一龍蟠護其上遠近皆見

元至正二十四年夏六月泖湖水湧起三尺餘  
明永樂初大水高原數尺窪下者丈餘

正統三年富林焦震家生瑞竹二本異梢同幹森然齊長  
七年瑞竹再生震隱居教授與弟兩友愛深至人以爲和  
氣所鍾

九年秋七月大風拔木發屋雨晝夜不息湖海溢水平地  
數尺漂人畜壞屋廬無算冬十二月大雪七晝夜積高丈  
餘居民皆鑿雪開道

景泰五年春正月大雨雪連四十日不止平地水深數尺  
湖泖皆冰夏大水人多疫死

成化十一年夏四月地震生白毛  
宏治四年五月皆久雨害稼  
十一年夏六月泖河水溢

十四年冬十月地震十一月泖湖水經月始解

十六年夏四月雨雹擊牛馬多死

十七年夏六月西北五色雲見薛山顧廷儀家生瑞竹

一根兩幹

十八年秋九月有風如火從東南來已而地大震後數日

有星東北流墜于海聲如雷或云天狗也越明年有崇明

秦凡王良之變

正德四年山中有虎傷人後大水忽不見

嘉靖三年春二月地震

八年秋七月飛蝗蔽天颶風大作驅蝗入海其遺種化爲

蟹亦傷稻

十二年夏六月重固白日起蛟禾苗蕩盡

十八年旱蝗食禾幾盡

二十三年夏大旱自五月至六月不雨斗米百錢死者載

道

二十六年泖中有古木爲妖每大風雨出沒巨浪中忽有

異香細縑自塔中出塔頂金光涌現

二十八年地生白毛未幾倭夷入境占者以爲人民離散

之象

三十二年春正月朔日食晝晦至初六日黑日亂墜移時

乃止 重固婦人生髭時縣差以事攝其夫不得從壁間  
窺之以爲男也遂攜至邑觀者如市

三十七年秋八月市中訛言狐精至諸鄉徹夜鳴鉦不絕  
稍懈卽被傷如爪痕踰月乃息或云有道者挾妖術剪紙  
爲狐以針爲爪晝則收之夜復咒而遣之假是以行竊也  
後其術敗道者不知所之

四十年夏五月奈山前一起九蛟水湧丈餘平地成河秋  
八月大雨民廬田穀皆漂沒

四十五年秋大風雨害稼

隆慶二年冬十月大雷電

三年夏六月朔海溢大風從東南起人畜漂沒無數歲稔  
萬歷二年冬十二月大風自西北來折木發屋一晝夜不  
息

五年夏六月甚寒積雨沒民田禾爛死冬十月彗星見  
六年冬澱湖冰成山高數丈長二里許先是居民夜聞萬  
馬聲從牖窺之見燈火千餘及明乃見冰山月餘始解  
十年秋七月大風壞屋廬無算

十一年正月朔地震雨血

十五年春正月雨冰凌夏五月大雨徹晝夜平地水深丈  
餘 七寶民家產一豕八足小蒸顧氏家黑豕化爲白

十六年秋大水傷稼

十七年夏大旱泖湖成溝明年大疫米騰貴民多飢死

十九年冬十一月雷電雨雹

二十年秋七月夜有星貫月而過

三十三年秋八月地震有聲自西北至東南泖塔潮音閣  
大士放白光如疋練長亘千尺是日風從東北來幢幡逆  
風飄蕩

二十五年春二月天降黑雨白衣着之有黑點五月鍾賈  
山起蛟崩西南一角

三十二年大水

三十六年夏五月鳳凰山蛟起張弼墓前倏忽成潭

三十七年歲大饑

四十五年冬十二月夜大雷電

天啓四年大水秋七月地震若雷歲大禳

六年秋七月大雨風歲禳

崇禎二年大水

九年夏六月大旱冬十二月極寒泖湖皆冰

十三年夏六月飛蝗蔽天大旱

十四年大旱

本朝

順治元年春三月東南虫尤旗見

四年泖西有虎守兵迎其首射之中目而殪

五年秋大水

八年夏四月至五月大雨河水溢六月有龍於漕港取水  
提一舟入田中大雨數尺田苗渰沒是歲米價翔貴每石  
至四兩

九年夏亢旱水涸歲大稜冬十一月雷

十年春三月大風雨雹夏五月大雨兼旬河水溢六月又  
大雨傷稻

十一年冬十一月泖澱凍合斷舟者數日人行冰上

十二年春二月地震有聲如雷自北而南

十四年七寶民家生男兩首

十五年秋八月地震

十六年春正月龍見多雨

十八年春正月彗星夜見多雨秋七月一日三潮是歲大  
早歉收

康熙元年歲大稔

二年漁人捕魚長泖得一巨魚重三十五觔狀如鱓頭有  
五眼 秋細林張憲別業竹生花未幾枯死

三年秋九月地震其聲自南而北冬十一月彗星見苾初

長二丈許漸至五六尺一月而滅

四年夏大旱田龜坼

六年冬十二月雷虹見

七年夏六月地震生白毛冬十月地震有聲

八年夏六月地震屋宇皆振動遍生白毛長五六寸

九年夏四五月霪雨六月大風一晝夜始息翌日大水暴

漲天驟涼如深秋歲歉

十年夏旱

十一年秋七月飛蝗過境不傷稼八月生螟田禾半槁死

十三年夏六月大風決水傷禾冬十月霪雨

十五年夏五月有星隕瓢河岸墮地有聲居民掘之見一

黑石手按尚熱稱之重十九觔擊碎以刀摩之火光四射

六月大水

十六年春正月朔聞雷聲夏五月雨冰六月疫癘大作

十七年夏四月地震五月雨雪大旱歲稔

十八年春三月至秋八月不雨大旱生蝗歲稔

十九年春正月十五夜月赤無光五月大水八月大疫

二十年歲大稔

二十一年歲大稔冬十月龍見

二十二年春霪雨傷麥



二十六年秋七月大風河水暴溢傷禾

二十七年秋蟲食禾

二十八年秋有蟲災不害

三十年夏六月余山塔後地中有聲如雷忽大雨平地水深三尺有蛟兩角裂地而出又猛將廟旁銀杏一株大數圍爲風所拔其根大於屋下有卵三斗許形如鷺子不知何物

三十一年春正月朔日食

三十二年大旱歲禳九月大雨水漲數尺屋宇有漂沒者  
三十三年冬十二月雷電大雨

三十四年夏霪雨傷稼

三十五年夏六月颶風暴作海潮漲溢秋七月復大風壞居民廬舍無算

三十六年春正月朔微雷夏疫作秋大水

三十七年秋七月大風水猝至平地丈餘

四十一年夏五月海溢六月火星入南斗越一宿復從中逆行而東漸退歸次

四十二年秋八月龍安橋下二大魚游行其形如船旁有小魚不可計

四十三年秋七月大旱

四十四年夏旱秋大水歲稔

四十六年大旱歲稔

恩免明年銀丁漕糧及一切舊欠民以安堵

四十七年夏霽雨五月地震自西而東聲如雷秋大風

四十八年春夏疫秋大水

四十九年春正月朔虹見東方夏霽雨大水

五十一年歲大稔

五十三年夏旱

五十四年春夏霽雨秋七月颶風大作歲稔

五十七年霽雨多疾風歲稔

五十八年春正月朔日食

六十年歲稔

六十一年夏旱秋七月夜有大星西北流至斗垣止大如斗其光燭天

雍正元年夏四月大雨雹秋大旱

二年夏五月蝗秋八月海溢

三年春二月朔後一日日月合璧五星聯珠三月大雨雹秋七月嘉禾生

四年秋八月霽雨害稼

五年冬十一月甘露降着樹如霜華連綴纍纍嘗如蜜

六年夏旱四月疫八月螟

八年歲大稔冬十月地震

九年秋七月蝻生

十年秋七月大風海溢

十一年夏疫

十二年秋七月大風海溢

乾隆元年秋嘉禾生一莖雙穗或四五穗歲大稔

三年秋九月雨雹傷禾有龍闔于泖自西南至東南入海

四年夏四月大雨雹傷麥冬十月野鳧蔽天傷稻

八年歲大稔

十一年夏六月雪是歲

恩免本年田糧

十二年秋七月大風海溢

十三年夏四月大雨雹傷麥

十四年夏大疫

十六年冬十一月至十二月甘露降凡五次

十七年歲大稔

十八年歲大稔秋八月一日三潮

二十年秋蟲食禾盡歲大饑

二十一年春夏大疫

二十三年夏大水

二十五年歲大稔

二十六年春正月朔日月合璧五星聯珠

二十七年夏大水秋七月神山西巔起二蛟石裂二洞皆

盈丈大風雨平地水數尺

三十一年奉

旨蠲免本年漕糧

三十二年春巖宮雙竹生冬十月吳淞灘有虎傷人土人  
逐之逸至崑山界永懷寺後中槍而斃

三十三年歲大稔

三十四年夏大水

三十七年歲大稔

三十九年秋九月地震冬十月甘露降

四十年歲大稔

四十六年春正月甘露降奉

旨蠲免本年漕糧夏六月大風雨拔木覆舟壞屋廬冬十

二月大雨電雷

四十七年夏六月地震

五十年大旱歲歉收

五十一年春正月朔日食是年米價騰貴每石至五千餘

夏大疫

五十二年歲大稔稻秀雙歧十二月甘露降三日

青浦縣志 卷三 十九

雜記 上

班氏撰藝文收小說一家而後世因之劉義慶世說新語唐初資以作晉史凡所收采十有七八然則稗官稗說者流蓋未可廢也今分類之外無可附麗者以屬此編後之徵文考獻者必有取焉

陸績爲鬱林太守罷政歸裝輕不能過海命取巨石載之至吳棄於婁門後人慕之號曰廉石今移在蘇州府學賢良祠中

宋咸平初趙屯村漁婦李氏張魯河上得龜如錢其色玉



瑩電眸朱尾宮畫燦然放河中夜見岸火熒熒趨視之龜  
在焉縣令李維上於郡守陳省華省華以聞張君房曰按  
瑞應圖千歲龜巢蓮葉上其出也將以應千歲之運乎且  
白西方色也龜歸也豈西裔懷歸乎明年朔方叛帥李繼  
遷來貢馬其秋試進士以白龜爲詩題

北郊普光寺前有大阜一區相傳爲宋杜祁公之墓公本  
山陰人宋時青邑屬嘉興路墓此容或有之但北有杜村  
云係公所生地太倉南門外南廣寺亦云此爲公舊宅不  
知何故

吳中五月梅雨過必有大風連日謂之船婢風至正中夏  
旱踰月不雨七月二日大風雨華亭青龍閭海潮逆上漂  
溺民家其田爲鹹潮所浸禾苗盡槁山中大木多爲風拔  
野人駭異傳爲孟婆怒按北齊時李駒駮聘陳問陸士秀  
江南有孟婆是何神士秀以山海經言帝之二女遊於江  
尊之爲神卽孟婆也以帝女爲孟婆猶祀地神爲泰媪云  
宋高宗批答刑部侍郎衛膚敏詔曰勅膚敏省所奏辭免  
尚書刑部侍郎恩命事具悉朕倉卒渡江圖籍散亡深慮  
吏緣爲奸奏牘稽留平讞失當以卿平日正色侃侃論議  
堅明據理守節屢觸權貴必能爲朕分別隱微章明枉直  
與其殺不辜寧失不經欽哉汝諧毋廢朕命所請宜不允

故茲詔示想宜知悉後膚敏七世孫仁近猶藏此詔於家  
 王逢題詩云建炎龍渡江中外極觀仰赫焉志恢復寢爾  
 濫刑賞公時命秋官固辭表三上夙忝絲綸日春班朝元  
 仗乘輿今播遷宗社亦震蕩空言忤權貴曷以錯諸枉放  
 棄構櫟材庶全雨露養皇覽賜手詔於昭日月朗大禹舍  
 皐陶欽恤義誰廣巍巍白雲司濯濯金仙掌元陰闕棘木  
 一旦風颯爽有疏甚詆佛無愧十八丈余山儼遺墓世世  
 敦禮享文光掩虹霞精氣攝夔魑卓落羣松冷萋蕤叢蘭  
 長經過率下馬謂有神還往我昨歌大招空谷咎靈響衣  
 冠久徘徊氛蓋方块芥願公降生申吾得操几杖

至正間松郡久旱嘉興沈雷伯善符籙謂雨可立致結壇  
 仙鶴觀久而不效乃請彭真人素雲禱之素雲與郡邑諸  
 司齋戒三日詣壇焚表章哺時大雨如注枯苗復生郡守  
 靜海李公按守令題名至正間郡守無姓李者惟李也先  
 不花於至順三年知松江府亦非靜海人闕以  
 俟考作神雨行記其事


章元澤以至元乙酉卒於家王逢有詩輓之云大盈合吳  
 淞古鎮夾龍鶴公承郇國裔甲舍聯里落十七職將命萬  
 里同納約周王舊轍環彷彿跡馬脚稍遷和林部爭識炎  
 方鷲區脫罷章程留犁撓醜酪煌煌日月袞岩岩絲綸閣  
 鳴鶯落花間及茲壯遊樂書從親所至每句輒應諾丞相

以孝聞三命日舞躍千艘賁滬濱別乘過鄉郭憶飛湖山  
 雲民蘇江淮瘼庭闈累封郡昆弟四擔爵垂老告老歸鞠  
 膺奉如昨五福世獨脩盛事天昇作義莊羅厩榆黌宮麗  
 丹牖孤臣楊文載慷慨生死託故侯踵青門者英尚東洛  
 急促弦衆斷貞固金自若憶予避地初霖潦船久泊晒書  
 借場圃田峻爲悚愕感公遣使候張具厚非薄及見契一  
 言匣劍砥礪鏑不圖援葭莩遂忘美藜藿大兒娶甥女奠  
 雁殊中雀嗚呼公云亡客淚濺素幙河陽遠巡狩海上掀  
 颺鱷房杜遺後悲榮名掛寥廓考梧谿集詩注逢娶章氏  
 團練使文彬十一世孫女文彬爲文簡公得象從父故有  
 葭莩之語逢子掖娶任仁發女孫則公之甥女也

曹雲西善山水王逢題其畫云世治多福人時危多貴人  
 貴人乃鬼扑福人真天民緬憶曹雲西生死太平辰高秋  
 下孤鶴想見美風神苑苑露穉間幽幽水石濱槩打甫里  
 船角塾林宗巾往訪趙松雪滿載九峯春斯圖作何年援  
 筆爲嘔呻池廢餘野鶴井深搖青蘋氣韻瀟灑不特肖其  
 畫品卽胸次亦可想見矣九峯春青邑酒名

瞿睿夫鐵網珊瑚作慧夫善詩以書法鈎勒蘭尤妙絕爲太史黃

潛提學段天祐編修李孝光外史張雨所重累辟文學曾  
 爲青龍學官攝紹興錄判尋棄去睿夫爲青龍鎮學官諸





名士以詩送之者自張雨李孝光而外有勾吳沙門善行  
曲江錢惟善陳德永會稽生王冕京兆梁恂呂肅凡八人  
而孝光爲之序其序云予每讀句曲外史所詠送瞿博士  
上青龍學官詩愛其華婉新麗飄然有仙氣欲口占效之  
輒困譬學爲頌不之魯不工是時余猶未識瞿君也至見  
其人魁岸溫偉風致皦然愕曰是稱其詩之情者也益慕  
與之遊居頃之授青龍學官將行日與遊者及校官大夫  
士共爲飲餞則屬余爲贈言語云送人以其軒不如送以  
言言不可已也先聖王設爲庠序之教以厚民性以修人  
倫以正國俗其仁溥矣猶以爲未足又爲室以聚之所謂

家有塾也夫民散處田廬遠於國中而不與入學則爲置  
塾以徧教之故其人雖不身與禮樂文藝之事固已習聞  
其論而孝弟忠信之節皆以素講而力行奇表之行異端  
之言不入於耳目當是時聖人之教洋溢乎宇內此頌聲  
所由作而君子所以屢致意焉今青龍學官不特爲塾庶  
幾庠序之重蓋千室之聚四民之處秀材出焉卿士安焉  
於今與州縣並稱慧夫往爲之師宜盡心焉朱子以來扶  
樹大教修孔子之道人仰之如日月出與俱出入與俱入  
今家誦戶蓄其書誠得師爲論繹朱子之說使曉然覺寤  
功必倍矣吾前舟過青龍河見大屋在北林中有美衣冠

三四人徐行過柳下不知何家以今言則其學宮也聞學宮有唐宋石刻諸詩詞悉如外史所詠洵可游也慧夫何遲遲至正四年十二月十九日序又孝光詩云解道詩成泣鬼神錦袍未負謫仙人隨時俯仰何奇士值世承平只幸民醉卧惟餘青眼在交游莫擬白頭新客來異縣亦近耳得此斯文肺腑親詩後跋云余客游婁縣與瞿郭盧呂諸君日相嬉游登山臨水飲酒賦詩五六人者無不與俱將去婁又和此詩爲別至正五年正月八日在海寧東齋又跋云往年客婁縣適瞿君慧夫將上青龍鎮博士諸君皆賦詩以送使予爲序後四年復過婁視所爲文但覺蕪

陋耳至正八年二月二十五日張雨詩云青龍江上古儒宮子去橫經作士風當戶九峯春樹隔去家百里海潮通華亭好事籠盛鶴楚刻名碑篆剝蟲信是青衫如拾芥辟書已在薦賢中釋善行詩云丈夫求仕非無術只合逢時作校官弟子日來供茗飲先生時坐取琴彈澗山春樹簷前綠谷雨秋風帳底寒善舞不須愁地福才名行且屬儒冠錢惟善詩云獨坐高堂對春雨碧梧飄濕鳳凰翎已瞻百里陪郎宿尚許孤槎載客星把酒長年惟覓句焚香終日只橫經我來十度今朝醉一笑逢君眼倍青陳德永詩云仕宦去家百里近文采照人當妙年想見彈琴讀書處

青浦縣志 卷三十一  
六  
牆頭春日薺花圓江上春風日夜催卽看柳色上衣來莫  
言美玉難酬價定有黃金爲築臺人生豈必相逢早異縣  
傾心有弟昆却恨客舟無意緒預先載我出吳門王冕詩  
云闔閭城郭東海近滄江正爾連吳淞只消放船七十里  
不用過山千百重學子衣冠皆濟濟先生事業豈容容魏  
子白首成潦倒春風安得此相從梁恂詩云公道來真賞  
清詩見似人衰年只迹跡今日解傷神浩蕩龍江曉空留  
雁塔春心期渾未卜秋夢已頻頻呂肅詩云山雨蕭蕭夜  
轉多思君別後定如何惟犀怪底時時動池上東風生綠  
波雲影垂江護宴陰題詩東閣曉寒侵便須騎馬迎君去  
街上青泥三尺深又有句章黃玠題云彥明王先生爲予  
言慧夫爲青龍教諭嚮慕久之且出示張伯雨李五峯所  
贈言伯雨五峯皆故交今皆不存覽之愴然爲賦此詩詩  
云問說瞿文學論交盡偉人曹劉不可作張李故相親已  
脫塵中鞅猶存席上珍才名元振厲詩語特清真顧我知  
何晚思君妙絕倫平生五經笥他日半通綸小試衣冠掾  
終期科第臣芝蘭居輒化薑桂久逾辛賈島吟原苦虞翻  
相本屯風雲同律呂時序異參辰有恨月初夕無言草自  
春那能忘把晤搔首暮江津又有後序云夫位卑而責重  
賢者不患其位而患其責不患其位故無諂諛以求其進

慮其責故無廢官而怠事不賢者則反是矣吾友瞿君慧夫爲青龍鎮學教諭知慧夫者咸曰教諭下初命之士一等其位卑以慧夫賢而多才非所宜居余因解之曰教諭故小官也而其分則師也吾見其尊未見其卑也峩冠大帶坐之堂上口誦詩書禮樂以造羣士務使人人抱道執藝小大成器足爲世用其責至重也賢者之心盡吾責而已矣庸校其位之崇卑哉抑青龍掛籍凡幾戶能爲士者凡幾人吾聞吳淞大江出其旁地氣清淑必多秀民知讀書向義願爲弟子員待慧夫之來唯恐後者慧夫往焉絃歌之聲聞於鎮間他日吾亦往求吾子而樂觀之

王逢贈錢衮詩云錢塘錢慶餘糸出吳越後眉豐目秀廣質曠氣冲厚家乘久曠遼青箱遵世守放膽論道義小心取升斗晨昏曲奉養及親未白首親終表其墓翠琰照林藪宗弟爲人奴恐辱大父母贖歸故閭里甘苦願同受孝誠出天性薄俗所未有兒也弄文墨婦也躬井臼衣冠俎豆間揖遜動曰某千年不平事醒醉常在口鎮西陸將軍廟食采地久淞人媚淫祀加置神木偶上疏乞去之以時致牲酒豺狼恣跋扈鷹犬迫飛走衆方立殊勲而甘伏田畝行藏悉無愧所愧寡知友竹光青連榻蘭艷綠當牖詩篇涉教化每諷賓客右我嘗駛風帆卧數峯過九鱸尊一

水外念子非狗苟遭亂顛蹟餘始得君握手高盟沮金石  
雅興謝塵垢偃蹇七尺軀相視覺老醜春芳到鷓鴣生意  
付蒲柳勗哉令善名是則窮谷叟觀此詩所以稱慶餘者  
內外本末無不脩不徒幽人貞履而已

任賢佐字子良少監仁發子官南陵令王逢以詩贈之云  
儒雅南陵尹歸吳賦遂初畫傳韓幹馬美煖季鷹魚柳暗  
凝香閣花交織翠裾能令兩童子爲我導行車後賢佐除  
台州判官逢又贈詩云天香夜染紫烟衣喜氣春連白板  
扉陶令山中初酒熟劉郎谿上正花飛使臨奎壁新分象  
民望雲霓幾落暉宜早上官思補報大軍先破汴城圍

王逢至正丁酉仲夏自梁鴻山復辟地青龍鎮遇風恬月  
霽或木脫水落輒命童孥小舟延緣黃浦淞柳間擬作櫂  
歌云月明濯足龍江口水落題名鳳山首三柳天低一幅  
巾五茸露瀉雙餅酒道逢船子歌載過季鷹拍手龜蒙和  
澗湖慘澹神姑迎魚波鱗鱗鏡光破

衛處士仁近嘗以詩質楊廉夫楊稱其音節意興可追盛  
唐所著敬聚齋稿世極稱其秋夜曲白苧辭九山宴集等  
篇覓不可得玉山名勝載近體一章極爲詩家所賞

錢遵義鶴臯子也鶴臯攻復松城徐達調兵來救遵義奉  
父命率小舟數十走蘇州欲從張氏求援達遣驍騎衛指

揮葛俊中路邀截鏖戰於蓮湖蕩中遵義兵敗死之時又有錢臯者亦吳越裔孫居華亭之小萊通經史習騎射元末盜起率鄉兵捍禦又以白衣叅越帥軍却寇兵活遺黎數萬晚歲結茅以居曰純白窩

薛冷雲居福泉寺畜犬名託寬每出必隨行後冷雲墮水死犬歸銜其徒衣裾導至死所亦自沉人稱爲義犬

青龍莊蓼塘蕭蓄書萬卷沒後漸散失至正六年修宋遼

金山史詔求遺書許酬以官命危樸卽其家選取之莊氏恐干犯禁例悉焚其書存者無幾後其孫羣玉復載入京冀得恩澤迄無所遇蓋其子孫之不肖如此

盛肇居青龍勝果寺前好食牛肉與陳某友善一日陳遣僕約旦會食視其簡乃一勺碧箋內書云六畜皆前業惟牛最苦辛君看橫死者盡是食牛人肇大驚呼僕不見詢陳亦無遣僕之事肇自此遂不食牛

楊鐵嵯自稱鐵笛道人其自傳云洞庭湖中冶人蔡氏子嘗掘地得古莫邪鎔爲鐵葉筒之長二尺有九寸竅有九進於道人道人吹之竅皆應律竒聲絕人世常歌曰小江秋大江秋美人不來生遠愁吹笛海西流聞道人名者多載酒詣道人乞一聞笛道人爲一弄畢便臥遣客客不去卧吹笛自如也時浪迹九峯三泖間

明洪武中數遣使者廉察諸仕宦家任勉之令鄱陽時使者至其第茅屋三間父灌園母紡績使者問子何在曰吾令兒子作清官不欲以脂膏自潤也使者給以客遊至鄱有札寄否因貽書戒之曰天道福善禍淫甚可畏也勿謂已安已治而懈怠勿謂已能已足而驕矜事聞太祖嘉歎旌異之

去白鶴江五六里地名安亭元末富人沈萬四居此太祖登極後有御製詩傳至吳中曰百官未起朕先起百官已睡朕未睡不及江南富足翁日高三丈猶披被萬四曰吾輩禍不遠矣遂散家財携妻孥遠去不知所之

西郊外有東西二秧田者相傳是沈萬三家秧田後陷爲湖又蓮湖中有一洲建招提於上亦云沈氏遺跡皆附會不可信

邵復儒

亭

子伯宣宣德三年冬爲館人所連謫穎上見復

儒詩序中而錢曲江有次韵伯宣茂才同集伯寅文學雙槐堂唱和之作伯寅必伯宣弟惜其名不著耳復儒乙卯立秋日客舍紀懷詩有云楚獄囚還繫殺陵骨未收上句蓋指伯宣下句則詩序所云幼兒克淳沒於濠梁也錢曲江送伯宣還穎上詩亦有弟沒軍前淚滿衣之句豈亦有事行間耶

管時敏詩師事鐵崖集經丁鶴年論定春容疏達豈出景  
文之下而說詩家人選寥寥卧子舒章生長五茸知有袁  
而不知有管竟置不錄徑寸之珠詎可遺哉

丁鶴年評管時敏詩氣象雄渾襟懷曠達用事親切措詞  
淳雅黃文獻公謂文章莫難於詩詩莫難於近體時敏體  
製嚴整間出新語亦復清俊非文獻公所謂難者歟五七  
言律至晚唐氣漸衰靡不可爲法惟絕句詩晚唐尤爲精  
緻宋人不得其門而入元人惟范清江虞青城得其三昧  
餘或偶得之而不純時敏絕句俱有法度豈非嘗私淑於  
諸公故耶時敏咏物詩形容精密非筆頭有五色花者不

能

俞祠部允少好學與袁海叟陶九成陸達夫陳主客伯仲  
結詩社其山居詩有池草生新句禽言得異名倚松招鶴  
舞冒雨問花安花底課書嚴隊伍山中吹籟奏笙竽達夫  
嘗稱之曰俞子穎秀咄咄逼人

祠部好大言鄉里小兒羣謂之笑而不答方元至正間三  
傳久廢祠部獨沉潛反覆人謂之曰此書避嫌前輩不談  
已久五父之衢賣平天冠將誰汝售公曰經義亦有幸有  
不幸百年沉晦光恠復生此其時也及江南甫定乃以春  
秋舉畿內高第說者謂其文如生龍活虎



祠部子士怡別號樵雲道人嘗於山月軒左種桃千樹自號千桃公

方正學孝孺被難時有門人攜其幼子育于松郡冒姓俞得免其後有名采者字元亮正學八世孫剛毅有志操嘗與婺士同舟其人道卒采出資裝含殮歸其喪於家後以歲貢生爲學官屢著直節

有客遊青龍寺寺僧慢之客怒題門而去詩云龕龍東去海時日隱西斜敬文今不在碎石入流沙有一沙彌解曰龕去龍合字時隱日寺字敬文不在苟字碎石入沙卒字此言辱吾曹矣僧悟追之已渺或云沙彌是文皓曾爲懿

皇帝朝供奉

神山舊名神鼉伏首引尾其形肖鼉故名相傳是山歲出圓石以爲鼉卵後人鑿其首遂不復出

章生青龍人善作墨有古法其家製墨聚烟列盃器三十餘至夕掃煤器無一存者詰旦尋訪乃在主翁閨中盃內煤皆成花其墨爲壽星長松覆之玉女在傍元鶴紫芝宛然如善繪者所作

沈學士度初戊雲南有日者談命輒中公造叩焉日者驚曰是當貴顯歷官清要公笑謝見其所設命館字不佳爲易之時都督瞿能鎮滇詢知爲公書延公教其子弟偕以

入朝復館南楊學士家上方博求善書者學士遂以公薦授翰林典籍弟粲亦被徵時稱二沈學士年七十八作小洞天詞翌日遂卒子藻元孫世隆俱以書得官

沈大理粲善書少時家貧無紙日懸腕書壁筆力遂大進嘗宿真武祠下夢神以數印授公公辭復出牙牌一奩公擇取其六後以中書舍人歷寺副修撰侍讀庶子大理少卿凡六任皆供奉內廷不履曹局上覽公兄弟書輒歎曰我朝義獻也致仕後出所賜金營錫老堂于故址日聚親故燕飲其中

錢惟慶七歲喪父哀毀如成人兄存善銅賦後期部使者勾攝甚嚴惟慶詣使者曰老母之養在兄賦不如期我罪我當行存善曰我爲家長不如期當坐我我當行兄弟皆泣其母亦持之泣使者驗籍卒以存善行會赦免時人兩賢之

蔣蔡議性中在都時與于忠肅聯舍會生子賓客致賀卜日會飲及期間于公喪母公曰于公方哭殯而吾召客非人情也遂罷酒

七寶徐天爵好善奉三元神甚虔正德元年至蘇糴麥歸至泖中忽遇龍下湖水飛立聲如萬車船隨而上船中人皆見泖塔在船下數丈天爵懼惟誦三元經不輟須臾水

退船下麥亦無恙

張廣文璞自號友山居士少篤行好學以詩畫名而尤邃於易後爲陳州學正與教補敝風采一新僉曰張先生言不出口何其化人速也張東海嘗言二十年來東吳詩學競以纖穠刻畫爲工惟友山居士自成一家言然其名頗爲詩畫所掩

廣文在陳州日與諸學博飲山中遇一老者皓鬚眉自稱靈哥拉之同飲飲甚豪羣飲者咸退舍越宿過訪因留署中與對奕靈哥乞設帷障之公問故乃吐實曰吾山中老猿也恐爲人覺幸共帷中較弈可耳居久之公愁家問不

至靈哥曰吾力可致往返不過旦暮間由是朝徃夕歸音問不絕會秋試公之子將入棘闈因叩曰若能探闈中題乎靈哥唯唯至則見一偉髯者擊其首踉蹌而返遂去不復至所擊之神殆關聖武也

王振鵬元世祖時人善詩畫仁宗賜號孤雲處士有蜻蜓畫卷題詩曰露涼芳艸晚風吹紗翼輕明水影歛莫便臨平山下去眼睛雙眩碧琉璃張璞和詩云翠華銷盡厲焱吹四翼低飛兩眼歛秋去藕花搖落久也愁點碎碧琉璃顧太守英草堂遺橐陸文裕嘗誦其佳句有雌憂地險難爲客且喜官閒好讀書竹林斜日聽啼鳥苔徑東風數落

花吸殘金露難消渴種得荷錢不濟貧等句今集亡之蓋所存止此

張東海弼祖英爲江右郡守城有兩大樹一賣菽乳者宅之忽夢鳳凰栖其上令人往跡其家方舉一子公奇之抱至公廡覆以所張黃蓋名以鳳來後成進士按江南執子禮見公惟謹時有賴布衣精青烏術公囑按使訪之賴病顛至松三載竟不擇一地一日語公曰墓地已得在鳳凰山巔點穴之夕夢一冠裳者至云是漢朱買臣以張湯事被誅恐爲怨家發掘連出三十餘喪惟此乃埋骨所公今點穴正臨我棺能讓三尺許當有以報公從之掘地得一

碑上有篆云汝宏其德以安世澤旣塋卽生東海公遂名汝弼嗣是代以一字爲名

東海父熊應封兵部郎治家不苟同俗必以嚴勝每謂人曰吾涼薄未能化鄉里吾訓吾家可耳所立家規必飭子孫世守

東海守南安時有方伯某入覲緘楮一篋求公書以餽長安貴人公笑曰吾不能爲傭書也止書四紙餘悉封還東海爲兵部郎數以直言忤當路遂出守南安入覲至京謁李文正東陽闈人辭焉公題其几云始知東閣先生貴不放南安太守叅拂袖竟出

曹副使時中母鄧安人疾累月不解帶母卒哀毀特至結廬墓左茹蔬三年不見一客有二白鳩巢於廬產紫芝數本鄉人欲聞諸有司公謝曰夫孝庸行也而以爲希節不可伯仲四人而獨余稱不可身未仕無毫髮報君而以茫昧事罔君又不可鄉人固請之公曰苟如此僕當終身守此廬是絕余仕進也乃寢自浙謝事歸閉門却軌集耆老十四人爲安耆之會求孫宗伯承恩爲文記之致書曰吾儕老矣老者志欲求安吾幸與二三君子遭時盛明謝絕人事攜朋命侶用締斯會一觴一咏逍遙餘年是誠可謂安矣至於禮以相防欲以相戒德以相稽則又吾老者所求自安而無愧者故以安耆名會其盛酒食徵歌舞侈輿從非安也必戒之鄉里自是皆爲雅會中秋爲公誕辰當八十二時李文正東陽作詩來賀朝士屬和者數十人後每歲覽揆日卽押前韵仍分俸爲祝公以施僧曰吾何功分相公祿也卒年九十

副使家居時有人到門詬罵家人以告公曰知罵何人家  
人曰呼公名矣公曰世豈無同名者不三日罵者竟死公謂人曰使前日一與較今日費多少口舌矣

副使分巡黔中所過必題咏郵壁及還復經其處見有屬和者公賞其詞翰訪知爲從行指揮所作旣而其人罪當

禡職特釋之及歸指揮餽五百金公曰我惜汝才耳豈有私耶却不受家居廣富林不輕入郡邑守長初至一通謁歸卽敷門守長至亦不接見年八十不復冠帶見客止幅巾布袍賦詩飲酒人樂其真率

副使喜爲懷素書與吳門沈石田

周

不識面而詩筒往來

不絕一夕夢石田坐帷中執手與訣異之不數日訖至公以石田曩所寄詩若干首爲神交集屬顧文僖清序之

顧宗伯清家居與周北野

佩

文酒往來無間一日曹公時

中過公曰吾讀蘇學士清虛堂詩兩腋習習風舉特邀公和之公亦躍然曰此際寧可無北野因相與泛小艇詣北野齋各和蘇詩數首畢至夜分始別

瑁湖有餅師析產爭貲構訟兄以五十金介所知求宗伯居間爭勝公佯應之使召其弟叩所爭狀弟謂兄匿百金不予耳公笑曰是易決何至遂傷天性卽召兄至出金授弟曰我與若兄弟分此百金矣兩人感愧泣謝而去

張廣文西洲

時泰

天性正直不信鬼神禍福常遊邑中見有

賽神祈福者輒傾牲酒飲啖之焚其像至今子孫不設家祠則公之遺教也臨終援筆自題曰殺鬼數千誰料老來多壽讀書萬卷那知命裏無官擲筆而逝

西洲司鐸秀水時訓士云誦聖哲格言期心事類青天白

日遵祖宗遺矩冀人物如高山大川今其後裔每書此作  
堂聯

薛山顧廷儀佩家生瑞竹一根兩幹曹副使時中詩有種  
玉一根初出土凌風雙幹欲參天之句廷儀嘗與副使暨  
諸名士同遊以山高月小水落石出分賦細林諸山廷儀  
得橫山小赤壁分得落字其詩云壁立天地間鬼斧何年  
鑿長嘯谷風生松暝睡孤鶴花香撲酒杯雲斷護仙閣橫  
笛不住吹聲撼梅花落蓋亦一時之雋也

趙信字思樓唐行鎮人好施與冬日雪見門前泊一小舟  
一少年號寒趙訊之知爲浙江諸生欲歸阻雪趙延入款  
之三日厚贈而別不相聞者二十年後趙因役累遣戍投  
批軍門卽問曰旣是上海人相近唐行鎮否趙曰某卽是  
鎮人又問此鎮有趙思樓還在否趙驚悚伏地曰某卽是  
也乃脩道前故厚加周恤准殘疾不堪擦練例回籍隆慶  
初趙尚在

周一山禮能詩嘗過南安弔東海先生祠有魂歸東海空  
埋玉澤被南安欲鑄金之句張裔孫至今墓之墓壁告歸  
後於谿上築室數楹壘石植木蒔草澆花不問家人生產  
世以爲高

一山方面廣額長髯細目好讀書有文采告歸後登臨眺

詠與顧文僖曹定菴詩篇訓和同里楊博菴家藏書甚富時命小劬往借讀之又好著述善星數學工草書華亭知縣郭如闇嘗題云周主簿裡一塚而櫻當路之鷲五毒脩嘗九死而昭郡守之寃千鈞係重亦人倫之矯矯者也孫文簡公恩所居之左爲太清道院當路欲舉其地界公公曰此童時所釣遊也吾不能營葺忍奪之乎又一壘地與公居密邇者皆欲徙去公留之築墻以障此二事何等忠厚然其子雪居竟無後天道殊不可曉

徐文貞林居避難鄉民多踵門呼名罵詈公曰慎勿報復譬如犬嚙人人豈可嚙犬耶因口占一絕曰昔年天子每稱卿今日煩君罵姓名呼馬呼牛俱是幻黃花白酒且陶情

文貞在位時里人有惡王元美者述其譏訕語甚悉公謝曰元美與不佞最厚我不敢信客退公語諸子曰文士輕薄訕人其常也但以此人才藻吾當收之藥籠否則不但譏訕出口吻且入青編矣旣吏部將以大計黜元美公力救之又欲遷元美長史公又力止之穆廟登極公首爲元美訟寃力引其兄弟出山於是口語手錄遂無不稷契文貞矣

文貞年二十一中嘉靖癸未探花壽八十一及見萬歷癸



未進士陸文定樹聲中嘉靖辛丑會試第一壽九十七及見萬歷辛丑進士

七寶徐壽少任俠負氣人思中傷之正德間一按使過鎮擒壽將置之法已見石橋十餘處所建俱鐫壽名歎曰此義士也立釋之後其孫三重曾孫禎稷皆以進士爲顯官

楊怡山

應元

居楊扇嘗聘朱貞晦教子朱繪圖令造齋舍楊

如所教旣至塾飲食必偕一日醉後對奕便卧棋局上楊靜坐以待更餘方寤推局而起曰君尚在耶後其子道亨字九華登嘉靖丙辰進士仕至雲南按察司副使

孫鏗莒州人商販吳越倭擾松江謁郡守自請輸貲佐軍

守薦之叅政翁大立試以雙刀若飛錄爲士兵擊走倭出叅政任環圍中遣人還莒括家貲悉召里兒爲爪牙吳中倚鏗若長城倭舟渡泖許鏗突出酣戰竟日援兵不至還至石湖橋半渡伏兵大起鏗墮水中刃死贈光祿丞錄一子亦建祠祀

陸文定幼常業田歸則挾書避人讀之間學屬文拾殘版錄之以呈族兄驚以爲竒白贈翁遣就里師授經同舍生見其衣冠朴野爭笑之久乃懼服

文定官編修時一日偕衆詣分宜宅盆菊紛列衆爭先致殷勤公逡巡獨後衆問其故公曰恐壓倒陶彭澤爾聞者

皆大慙

文定以庶吉士起補官見座主張文毅語次問謁內閣有  
贊乎公謝無有張公言此故事我假若二幣可也公辭之  
張公曰固哉若遂謂以二幣營官乎吾直以禮不可廢耳  
公唯唯強持歸明日竟空手見不贊也

文定豐領竦肩長七尺有咫目靜深含光內藏對日不眩  
每入闕昂立班中姿表特異穆廟登極久趨不赴趙文肅  
公寄聲云我輩豈敢以機務煩公第欲主上一見丰采知  
先朝培養得如此偉人耳垂老家居惟惓惓吏治士風民  
俗利弊水旱必移書議捐議賑語不及私

文定一日與賓朋宴坐忽報兄至急起延之門外相對寒  
燠不數語輒起去文定不能留也送門外拱立良久去遠  
方敢進坐客訝曰長公嚴重乃爾公曰固也憶昔少貧吾  
兄荷鋤藝宅旁地命我及中丞弟昇糞俟之良久不至吾  
二人舉一杓淋漓狼籍兄大怒杖之曰盡如若輩何以償  
租且書能朽腹讀耶宅旁地猶是我今欲受兄教如少年  
時不可復得矣

文定監清修堅晚節清虛恬退所謂外現儒風中修梵行  
者其年九十時以衲衣一襲付慧日院手書一詩於上又  
自題畫像留寺作供松人以爲美談

彭魯谿應麟袁與山友也與山子福徵年八歲常侍側自稱

小相公彭試之對曰願為小相答曰竊比老彭又見其書

腦裂碎曰書腦經年葉落為甚風霜答曰燈心徹夜花開

因何雨露彭大稱賞以女字之後翁壻同登嘉靖甲辰進

士

袁長史福徵忤唐府中貴罷職家居日以詩文自娛常客

遊吳越金陵山水間終歲忘歸與太倉王元美歷下李于

鱗並以文章馳名海內

周學使思兼嘉靖庚子入場選其才思七作浩瀚二三場

雙行膽寫主考嫌太馳驟置之時兩監試惜其才語主考

曰譬如星家寫流年一本亦須酬以銀米豈有寫如此三

場而不以一舉人酬之者乎來科公因患羸疾十摠其五

遂得雋

貞靖先生生有異質大父尉興國公時六歲從尉所視獄

輒能辨曲直歲時有問遺者循故事未即却公抗言曰此

不當受大父益奇之通籍後知山東平度州多異政號神

明

貞靖善書畫欲得者每介所知以佳楮置几案間輿至揮

灑乃乞以去有得其畫扇復求題某令字者公作色曰是

人寧可以筆墨相贈乎取扇裂之其峻厲如此孫裕度字

公遠亦以行誼見重善楷書畫學陳白陽晚年頗作山水  
年八十二而卒子孫羣從能書者甚夥

貞靖居鄉時歲朝拜廟歸經北城河有一人大呼公名不  
應則尾其後呼之公拂然曰得非我子弟有罪於彼耶既  
歸呼其人細詰之惶愧不能應公曰君既無故呼我當弗  
較但汝少年不可不戒若加於他人身家不保矣其後此  
人每至歲朝必舉以訓後生人問當時呼名之故曰素知  
公厚德故妄有此舉豈料作終身之愧耶

宋石門旭作雪景小幅題云太清菴養疴雪夜寒甚忽夢  
與故人周萊峯先生話舊因以責友生負義不情者並成

一律云短檠孤榻思依依抱膝那禁雪霰飛藥餌無緣難  
奏效梅花有約未曾歸空林永夜鷄偏早故國先春雁亦  
稀忽夢笑談追往事鷓鴣果腹背鷗磯萬歷丁酉初春四  
日石門山人宋旭并圖萊峯之孫裕度跋云石門與先貞  
靖年既相若學畫亦相後先貞靖欲留久住吾松乃與孫  
漢陽先生及一士夫皆同社也共謀爲置田以老焉其田  
卽寄此士夫官冊每年以餘租寄宋後貞靖棄世既早漢  
陽又不喜涉世故此士夫者竟淪盟匿田不復還故前詩  
末句怨及之石門夢之明日以一壺一盒至寒家索遺像  
懸堂中哭奠予輩俱陪羅拜叙舊竟日而別真有古人之

風

徐山泉充讀書超果寺晝夢一人跪告曰小人毛班原籍山西太原府求葬枯骨夜復夢云必有以報偶至西廡見一棺字模糊莫辨索燈視之題曰山西太原府人毛班之柩徐因作壙瘞之嘉靖壬子徐入闈每入必有一燈引導徐問執燈爲誰其人叩首曰某毛班也卽不見是科中式按毛班事已見蔡騁傳此又引作徐充一事兩歧恐必傳聞之誤但入闈執燈云云與騁傳所載各異而鄉薦科分亦正相符其說非盡無據姑兩存之

陳尚寶懿德有燕京馬上詠中一聯云九陌風塵消短景

三江雲樹隔長安謂馮元成曰此似高叔嗣否馮曰桓溫之擬太真稍有所恨陳憮然而去

陸中丞樹德幼從仲兄文定公學食同器寢同牀夜分亦同燈讀辛丑文定成進士公是年亦遊庠丙午登賢書丁未文定分校禮闈格不入試乙丑始登第蓋因公車二十一年矣初爲嚴州推官當奉部使者檄巡他郡縣僅以一衣囊自隨按武義不法事昏夜投金公亟麾出之論如法督府購守陰事以屬公公曰以僚證守是以弟證兄也可乎強之再不報且力白其無他得免守素與公不相能至是始愧服公官刑部時都給事李已以直言廷杖下獄公解

言海果志 卷三十一  
衣調食救之得不死公在禮垣皇太子將出閣公疏陳睿  
學大旨有三以講讀責之疑丞以起居嚴之內侍以儀刑  
本之身教不報疏保聖躬亦有三一謂湯液宜濟中和毋  
滋壯熱一謂溽暑宜戒容止毋伐晏陰一謂燕處宜親大  
臣母撓寧靜亦不納萬歷中以右僉都御史出撫山東德  
王嘗張具大明湖肅公爲客謝不往曰撫臣與藩王杯酒  
流連兩損威重且非所以令衆庶見也乞歸後閉戶謝客  
足跡不入公府與文定公白首坐對相攜遊峯泖間鄉人  
比之漢二疏云

中丞撫東時周恤民隱精覈吏治而自奉儉約不異寒生  
嘗曰前此諸公悉厚存問卿大夫及過客以博譽吾則不  
敢及請告海豐楊太宰魏典銓歎曰吾省幸得一好巡撫  
何故言去然竟無有借寇者

中丞年十三家貧出贅於薛贈公撫公曰苟而母在忍以  
汝棄之薛乎手錢一緡納中丞袖曰與兒作美食相與飲  
泣而別已而輒具美食歸奉贈公徵所從得則皆出自袖  
中也贈公歎曰吾始知家門有懷橘事

自嘉隆以來松郡縉紳先生清節碩德名壽俱高者無過  
於陸文定樹聲迄今後嗣繁衍有聲藝林者甚衆其弟中  
丞公樹德墓廣富林墓地二十餘畝今皆在荒烟蔓草中

曾孫敬至以貧死華表行楸徒爲宏濶不如以儉德命子孫矣

唐荆川順之卧疴柳上陸處士郊訪之見榻止一褥又薄而

敝因贈以新者公笑曰子野破我儉陋矣

陸氏爲安墩著姓處士子野家有遺貲落拓棄去又爲陳氏館甥陳亦素封易簀時命與其子中分田產子野不欲攜妻歸避居村落晨春不給淡如也惟讀書詠詩以自娛其詩以骨韻勝又雅不欲以詩名隨作隨委去之所存益寡其子應陽刻之名子野集僅二三十篇鳳毛麟角故不在多也聽琴詩云水靜遊魚出山空別鶴吟山中曉發云塔影烟中辨泉聲石下通咏蒼潤軒云蒼靄深茅屋青松映石牀贈友云黃鳥聲中催別酒白雲影裏望歸舟問禮早從周柱史分曹仍擬漢郎官送董原漢戍粵西云千言抗疏酬明主萬里從軍奈老親人皆爭寫而傳誦之

海鹽錢給事薇嘉靖間以文章氣節推重海內於人不輕許可獨雅重子野曰東吳高士也嘗雪夜放舟越三百里訪之家乏卧具遂藉草爲榻抵足而談信宿乃去

唐行鎮今爲青浦縣往時山林隱逸士稱陸寅谷孝思字維則錢雲崖岳字邱山俱長於詩倡和相得寅谷涉獵經史星宿輿地方言元談最稱該洽然有使酒罵坐之風雲崖

青浦縣志 卷三十一  
穎敏典籍過目成誦才似少遜於陸詩則陸遠不逮也同  
時有緩齋金藻雲林金處和守復張元凱郡城則有一槎  
陳漢墨潭黃嘉言東野陳榮張堰則有笑隱陳奎朴菴邵  
雲此數子者覘田筆耕日事吟咏皆安貧自得之士也陸  
文定公每談詩必極稱焉  
顧東江有和緩齋江行閣淺詩云浦口停帆喚小舟故人  
家近不須愁竹林隱約分歧路禾廩高低見有秋千古心  
期嗟擊磬百年功業數藏鈎吳江一水看如帶可是先生  
志未休

松郡顧氏前朝富甲蘇松園亭之勝不亞辟疆諺所謂申  
家子弟顧家園也性好施旣捐地爲青浦學宮復念賦役  
繁重富則破家貧則虧帑因捐田數百畝以助役謂之顧  
義役田

嘉靖時雷煦號雷峯以尚書教授善臨池董宗伯陳徵君  
亦推重之

蔡侍郎汝賢年三十三領鄉薦四十六登第房考李自華  
夢神呼之曰卷中有賢人在如是者再得之落卷中歷官  
南京兵部侍郎致仕年六十八配錢淑人未第時早歿終  
身不設姬侍尤人所難

蔡公陞南少司馬假歸見市有賣鮓魚者偶向僕言之其



子烹以進公大怒曰此時魚價必高爾窮口腹若此非與我共守家業者也棄不食

石公繼芳築城時東關外有陳姓者家頗饒公欲其助銀若干兩始開水關蓋水關利于城外故也陳氏不與公遂不開其後城內潘氏李氏錢氏皆相繼發解而陳氏竟廢徐比部三重性至孝嘗恨母戴安人之歿不躬含殮及歸念贈公春秋高遂絕意仕進中外推轂薦剡歲數十上弗動也士大夫過雲間者爭式廬欲一識其面不可得然愛君憂國時時在懷每聞廟堂行一善政庸一正人輒喜動顏色否則咨嗟罷食生平研精理窟垂老未嘗釋卷所著

諸書皆關人心世道其論學則力挽後世虛曠之誤必以

考亭爲的故晚歲自稱崇晦老人內行淳謹盡去松俗華

靡澆薄之習臨終賦詩翛然而逝屬其子無乞誌銘張郡

侯按守令題名萬歷時知府張九德三十六年任張文即炫四十年任張光緒四十五年任未知孰是姑闕之卽

下檄祀之誓宗謂定論何須蓋棺清風可師百世長洲文

太史震孟傳云先生潔身修行追躅前賢仕不求榮善不

近名不標門戶不聚生徒卓然正學可以垂世範俗誠實

錄也

比部有八語書堂中曰室無美姬堂無俊僕案無戲具門

無雜賓宅取安人田取給食書取明道器取適用

言海縣志 卷三十一  
莫明經是龍工書畫與董宗伯齊名平生喜延寒士有友  
貧甚以行草一篋助其婚每出遊輒縱筆作雲山小景令  
坐客呼盧勝者得之著送春賦書數冊皇甫子循王元美  
見之均咨賞焉

明經營作一畫酷類大癡時徐孟孺彭欽之張伯復俱在  
座爭欲得之乃各呼盧以下爲伯復所得家蓄一古琴梅  
花斷紋聲極洪亮其後卧病拊琴七絃俱絕遂不起

王洪洲過澱山湖與長柳相接處舟人指曰此下有甃砌  
石衢井欄每遇天日澄朗隱隱可矚相傳卽古由拳縣也  
及萬歷二年築新城苦無石父老有以舟人言白石侯繼  
芳者侯遣工下水採之果得巨石無數

潘大令可大少歲好讀書屠公夜巡城聞茅屋中書聲諦  
聽之則潘方挑燈讀漢書叩門與談遂成知己婁東王文  
肅公以喪里居潘出所著文求正文肅曰工拙不必言天  
下豈有作爾許文字而猶不命中者乎及領鄉薦日大慟  
或曰旣得售復何慟爲潘曰吾思三十年來求此名上榜  
何可易得痛定思痛不覺淒感耳

呂工部克孝司訓如臯教諸生必先德行而後文藝常曰  
安定先生爾鄉人也諸生學此足矣一生年少大言呂作  
詩責之有春雨種芝蘭秋風化荆棘之句生悔過請罪卒

爲淳謹知縣李廷材重其才俾修縣志

工部罷官歸里貧甚其詩有云客歸三日典春衣又云慣住低頭屋能炊折脚鐺殆實錄也

徐副使禎稷入蜀之後詩尤深婉如干盤白鵠雲中路一葉黃牛峽口船卧閣秋雲生白帝登臺春雪和巴人雲邊古堞三千雉花裏春城十萬家水白瞿塘聞榜柁雨晴赤甲見桑麻入春江勢疑吞郭一雨山光盡到樓天末鴈稀秋色盡山家橘熟夜霜清新猿雨後瞿唐路獨鴈風前故國心俱瀟洒出塵

副使未刻詩有荆華館草白雲草望華亭草皆自作小序

而屬陸古塘訂定者其詩如曉色雙臺上秋聲萬竹間月催花下酒人上水邊樓寺古雲藏樹天晴水到樓一亭含樹石四面受湖山薊門千里雪衡岳一峯雲海霧平吞月江風小作波草閣茶煙細蘿關鶴夢深虎跡雲邊路猿聲木末亭雲中開鳥棧天上墮猿聲不堪江上離人夜偏是天涯好月時新水急帆先雁過飽霜紅樹當花看暮景畫船回棹處好風歌閣卷廉時堪酬萬里宗生志不愛千金陸賈裝彩筆江湖高夜色黑貂風雨入春寒千里烽煙連野燒三更戍鼓亂砧聲雄圖已盡碑猶在仙島無書鶴白回平分海色千帆雨橫折秋濤百里雷皆小長蘆詩話中

所未及

張宮諭以誠初以選貢廷試歸舟抵徐忽墮水有一僕善泅赴水救之公已漂下數里許然竟無恙庚子公車除夕抵蘆溝橋同行四人皆籲天求夢公夢人贈一大盒啟視乃金花一枝金花者宮花一枝者第一人也及臚唱果符其兆松郡白糧細布諸役守候勒措民不堪擾公深悉其弊折柬白之所司得少減生平笑言不苟惟獎借後進片長薄技無不收錄

宮諭刻意自立而父兄不諒武斷鄉曲里中訴宮諭弗能正也後有來訴者宮諭輒告曰汝只去詛張某死便無所恃汝輩庶得免累後果暴歿去登第時僅十五年

張別駕以誠著東廓遺稿其詩如芳草平沙遠晴霞落照多地白冰常合沙黃日易昏野燒風前赤遙峯雪後青疎星幾點風沉角殘月一鈎霜滿樓亦三唐雅句也

屠禮部隆令青邑時上海陸雲從以觀捕魚誤殺人臺使已問抵矣行部至青遂發公收禁雲從之兄日走百里視其弟并具乾糗囑守者善視之公一夜巡視禁中聞讀書聲詢之衆以雲從對因試以文大稱賞請於臺得脫其罪雲從後登賢書其兄之孫鳴珂亦中甲科爲部郎中青邑元夕舊無燈火屠公作令時多惠政民頗康阜至是

始有燈公乘月出遊訪布衣錢師周錢留小酌口占云一  
入花封地球燈燦玉樓偶逢仙令坐疑宿古揚州酒罷同  
步街衢良久而別

崑山梁伯龍辰魚負詞曲盛名作浣紗記至傳海外後遊青

浦值屠公為令以上客禮之命優人演其新劇每遇佳句  
輒浮大白酬之梁亦豪飲自快演至出獵有所謂擺開擺  
開者公曰此惡語當受罰以三大盃灌之梁強盡大吐次  
日不別竟去公每言及大笑以為快事

孫太守克宏製一舟名雪篷制作古雅可坐十人公歿後  
舟屬陸咸齋未幾咸齋卒有吳興筆買茅某謀得之往來  
吳越居然士夫一日茅入舟見孫陸二公共坐舟中大駭  
隨得狂疾其父用鐵索錮之雪篷為祟也

太守少敏慧博涉羣籍正書倣宋克尤工八分畫水學馬  
遠花鳥似徐熙趙昌又善以水墨寫生及竹石蘭草無不  
臻妙其倣米氏雲山作仙釋像世尤珍之

張希周朗性孤介家貧以醫自給常棲息僧舍能詩善行  
楷書好蛩吟自名其館為鳴秋有蟋蟀詩百首

陸伯生真草書法宗顏魯公亦倣歐陽詩宗大歷文宗會  
王客遊南北十餘年足跡幾半天下其客長安也有詩文  
名有狷介名有酒人名所至歷覽名山大川托之詩歌以



言海州志 卷三十一 九  
三  
據其牢騷拂鬱之氣

范叔子每試不中程式獨宜與萬文恭廣德寧孝廉愛其  
才是時宜與令丁君爲子弟卜師因萬言走幣至華亭延  
叔子一見遂爲莫逆令既歸姚江猶延叔子置家塾凡三  
年然後歸姚江之士北面受經者鱗集得其指授相繼脫  
穎而去叔子矜猶青也上海令顏公高公並獄獄強項而  
皆推轂叔子叔子一往報謁而已他無所請二公益重之  
何司李三畏以表白那節婦事拒貴人請置訟者於律遂  
爲蜚語所中飄然掛冠越人懷德爭尸祝焉後節婦死有  
司至爲建祠歲祀公論益彰及歸遭太夫人喪誓墓不出  
自爲孝廉以至解組凡臺察長吏每過式廬請益輒以地  
方利弊冤獄剴切指陳無所撓避人共高之

司李居喪時不廢筆墨慘怛悲痛血淚相和董宗伯云何  
士抑廬居詩似哀蠶勞雁使人聞而泣下生平富於著述  
所撰雲間志畧一書廣見博聞可脩一郡文獻至登臨遊  
讌之篇高情逸致恍於行間字裏遇之

陳徵君繼儒與徐益孫結隱於小崑山爲人重然諾饒智  
畧婁東四王公雅重之董尚書久居詞館書畫妙天下推  
仲醇不去口仲醇又能招吳越間窮儒老宿隱約饑寒者  
使之尋章摘句族分部居竊取其瑣言僻事薈叢成書流

傳遠邇爭購爲枕中之秘於是眉公之名傾動寰宇遠而夷酋土司咸丐其詞章近而酒樓茶館悉懸其畫像甚至窮鄉小邑鬻炬收市鹽豉者胥稱以眉公之名使者按部薦舉無虛牘天子亦聞其名屢奉詔徵用年八十餘卒於柰山精舍仲醇通明俊邁短章小詞皆有風致交遊顯貴接引窮約茹吐軒輊具有條理享高名食清福古稱通隱庶幾近之

徵君年未三十棄諸生家居養親或謂其父廉石翁令子固得矣養親不辦梁肉何得云孝翁謝曰我坐起間時見兒子形影從此婆娑里社雖啜菽飲水便當樂死更何敢

涎人牲鼎間味

徵君園中有大石是松樹所化其半猶帶松皮徵君歿後諸進士嗣郢題其祠聯云假使先生位卿相享千鍾到此亦爲黃土何如當日友煙霞擁萬卷至今獨有青山仲醇以處士虛聲傾動朝野守令之臧否由夫片言詩文之美惡冀其一顧市骨董者如赴畢良史權場品書畫者必求張懷瓘估價肘有兔園之冊門闌鷺羽之車時無英雄互相矜飾甚而吳綾越布皆被其名竈妾餅師爭呼其字今遺集具在未免名不副其寔焉

陸中丞冢孫孟聞孝廉景朋性豪華喜賓客建園亭於理

言海縣志 卷三十九  
麻濱長男貽孫體豐腴贅于李氏日食千錢猶以爲餒充其量卽斗粟可盡也次連孫美秀能文人咸稱爲神童讀書園中一日賦詩有昨宵風雨波心漲墜粉沉香有白蓮之句夜遇盜惶急投園池以死竟成詩讖次簡孫邑諸生性嗜酒頃刻不能離竟以沉醉入試潦草被斥家益落逋賦無算憔悴而卒

李太僕世祺崇禎時居諫垣劾首輔溫體仁落職後復起官至問卿先是公父諫以孝廉爲敘州守其後公姪淑領天啓丁卯鄉薦淑子樞

本朝順治丁酉亦登鄉榜故榜其居曰四世科甲

太僕幼與雷司李德音同縣試縣令某自詡知文有胡元功者獨蒙賞識而公與雷皆以試卷粘示通衢勸令歸農後公成進士躋卿寺雷亦登鄉薦官夔州推官而胡竟老於童子場中果文字之難憑耶抑去取有未當也

太僕家居時一夕羣盜入其寢公從容起坐羣盜跪床下謂吾輩貧窘敢求借貸幸毋拒公取鑰牡十餘鏘然擲地下曰財物任爾取不得傷人盜傾箱篋而去明日公竟不問

潘震開表星海先生子少負才華爲邑令韓公所賞韓公解任後士民建祠尸祝先生爲祠內一聯曰子弟從之如



坐春風化日先生行矣猶餘流水高山後計偕北上卒于途

潘貞所可以歲貢為常州訓導調補餘杭子衷昉字公亮

性豪華每省試輒樓船簫鼓以行凡館穀及贈贖所入無

絲毫存者試歸則蕭然落魄以為常天啟甲子榜發青邑

已報罷公亮方卧愁嘆不能成寐起覓一鏡如掌命孺子

向市抵酒道問酒家莫應也至丙夜而報人至矣蓋公亮

係武進學報人先從武進查訪故遲半日始至公亮自領

薦後聲勢烜赫邑令時來問起居凡邑中事無巨細日或

數函函或數事無不聽者蓋當時孝廉易成進士且不能

測其所至故畏之者多而邑令多甲科起家皆欲博賢聲

以內召不肯於為令時肥囊橐故有事率餽問縉紳當時

何曾有飢餓之孝廉有坐視孝廉飢餓之邑令哉

陳黃門子龍與陸孝廉慶會祈夢于忠肅祠公夢負一虎

謂必風雲會合之意陸夢忠肅授以瀋陽地圖一卷意後

當官於其地也公後以起義赴水死懸其元於虎頭牌始

悟虎負之兆而陸以丁酉科場事被罪流遼左所夢無不

奇驗

陳黃門年十八始交同郡夏葵仲允周勒卣立宋子建存

尚木存彭燕又賓朱宗遠瀨十九交陳眉公繼董元宰其

尚木楠彭燕又賓朱宗遠瀨十九交陳眉公繼董元宰其

膠城侯豫瞻會武塘錢彥林旃兄弟二十交婁江張受先

采張天如溥吳門楊維斗廷徐九一沂姚孟長希魏仲雪

浣龔淵孟立文湛持震二十一見艾千子南於婁江之弁

園抗論折之二十三省試出京山鄭友元之門游京師與

吳鹿友姓許霞城譽楊伯祥廷善會試出漳浦黃石齋道

之門又周旋瞿式耜告密之難司李紹興識劉念壹宗倪

鴻寶元諸公其督運至南都為史閣部可法所重蓋師友

淵源本末如此

王李教袁公安之派浸廣竟陵之醖頓興一時好異者請

張為幻關中文太青倡堅偽離奇之言致刪改三百篇之

章句山陰王季重寄諛浪笑傲之體不免綠衣蒼鶴之儀

容如帝釋既遠修羅藥义交起搏戰日輪就暝鵬子鸚母

四野羣飛卧子張以太陰之弓射以枉矢腰鼓百篇破盡

蒼蠅蟋蟀之聲其功不可泯也觀其與李宋二子選明人

詩序略云一篇之收互為諷咏一韻之疑互相推論攬其

色矣必準繩以觀其體符其格矣必吟誦以求其音協其

調矣必淵思以研其旨於是郊廟之詩肅以雖朝廷之詩

宏以亮贈答之詩温以遠山藪之詩深以遠刺譏之詩微

以顯哀悼之詩愴以深使聞其音而知其德省其辭而推

其志先生之論詩知所本矣

黃門詩極豪放而詞極騷雅妙麗蒼於湘真一集黃昏云  
青燈冷碧紗烟燼半晌愁難定五更又云愁時如夢夢時  
愁角聲吹到小紅樓春闈云幾度東風人意惱深深院落  
芳心小艷情云難去難去門外尺深花雨均雅艷無匹  
錢孝廉嘉泰喬雲堂本陳氏所築上梁時公生未五六月  
其父抱觀之問汝欲居此屋否輒呀然應衆以爲奇後竟  
得之以爲世業固知上官昭容之對不盡誣也

陸刑部慶衍諸生時郡大橋旁有一僧結茅日夜誦梵經  
募結萬人緣一夕被酒過之聞經聲因問此僧何爲僧以  
寔對且曰必得一二施主費帑金或齋萬僧或施萬人以  
種來生之緣陸曰如是事亦易辦何爲至今未遇也卽舉  
筆大書其冊謂曰我貧士也必得成進士後方能還耳僧  
曰君旣發此心老僧當祝君成進士陸去僧於附近民家  
皆稽首致謝謂我願已有居士獨力領訖請從此辭遂投  
河死陸後果捷南宮偶憶此事謂是酒後戲言亦不知僧  
已死未幾妻子相繼病歿殊無聊賴因謁天童上人欲卽  
所以上人入定少頃開目問曰汝不記萬人緣耶彼捨身  
於冥中助汝成名而汝竟負之彼安能忘情耶陸悚然卽  
請補報以謝過上人曰已無幾矣速歸猶能正首邱也陸  
歸後不久竟卒

沈進士泓以其母早年守節徧求名人題詠積有一笥遇盜劫去泓號泣不欲生榜於途脩述顛末陳徵君繼儒於柰山呂公祠中得一包啓之則所詠不失片紙泓後避亂居紹興祝髮於東山寺其僮阿寅亦出家爲師徒焉

白鶴江一老者失其姓氏好施予以靛染爲業每日早起必先呼家人羣起力作家素不畜犬一日晨啟門有黑犬銜衣曳入如是者三心疑之乃闔門集染工執器械以待頃之門闕見一赤蛇大於碗昂首徑入腹尾尚數十盤一工提鐵鎚擊其首衆奮力斃之求向黑犬所在條無蹤矣御寇錢奎者多力善舞刀聚衆剽劫橫行湖泖間自云錢鏐之後二省合兵會捕圍之泗涇奎與妻各持刀格鬪力竭就縛械至江寧梟於市餘黨始平

崇禎季年珠街鎮李八招致任俠有翁二者力敵百人冬月服單袷或赤體卧冰上又有仲二者亦勇悍遇惡少輒以鐵械擊之能耐數搥卽拉入爲黨其後嘗與一尤姓者相毆翁仲俱爲所縛持上體以下體擲橋上許其號呼卽免至死噤不稍吐強毅殆不減石乞也

又有丁氏父子肆橫一方嘗率數人夜叩陸鴻宇之門將劫之陸亦豪也防之者素矣俟其入于門隙中握其臂囊甚急衆不敢逞丁命其子糾親串羅拜許還所侵田產器

物等乃釋之無何丁二子俱死于法陸實陰謀之也既而  
丁列營湖上旗幟皆用白馳書召陸飲陸念不往且爲所  
笑而往又不可多人問誰可與俱其內姪朱真復願從朱  
隱四刃於股臂上陸巾服徒手命一奴駕小舟以往丁見  
其來笑曰汝此行誤矣陸曰我來赴飲何誤之有朱隨陸  
躍至丁舟兩手握丁父子而股臂間利刃俱露衆不敢近  
竟擒丁至鎮乃放還後丁爲把總官以私通白腰黨爲衆  
殺死

青浦縣志

卷四

雜記

下

青浦曹氏收周文矩唐宮春曉圖絹本著色全師周景元  
凡爲人大小八十有一器具無算似藁本後有張澹巖  
跋尾乃紹興庚申歲筆也

施陶成好奇計鼎革時與里人結鄉兵爲捍禦計旣以糧  
餉不繼衆亦潰散有戚陳某頗殷富施往訪之酒半施忽  
嘆曰適從城中來道路竊竊偶語謂君以重利剝鄉民無  
不切齒乘此亂離王法不能及擬相聚焚劫君之室廬君  
能無重慮乎陳悚然曰然爲之奈何施曰危者不可以爲

青浦縣志

卷四

雜記

安亡者不可以爲存則無爲貴智矣某有一策可轉禍爲福君能聽之否陳曰願奉教施曰君自度君之家奴並號召各佃可得二三百人乎曰然曰君自度君之窖粟日食二三百人可支一二年乎曰亦不乏也施曰然則以君之靈倡率忠義團聚鄉人隱以自衛而徐觀蚌鷸之勢以決向背之機進可以佐命封侯退亦不失富貴不愈于坐而待死乎陳大喜卽出絲綉製旗幟易冶鐵治戈戟矛盾之屬集里中無賴少年及佃田各戶相與歃血盟神舉義旅推陳爲盟主聽約束而拜施爲叅謀事無大小咸取決焉陳本牧奴無大志旣集多人遂將爲報復擄掠之計以查

獲奸細爲名遣兵分道四出遇有輜重卽劫之一日獲一舟乃紹興儒生挈妻女館於黃渡時黃渡亦鍊鄉兵以儒生爲謀士生念烏合不足依謀竄歸道經其地爲所獲施得實勸陳放歸而陳見其妻女皆有姿令閉一室越三日有黃渡卒二人投書軍前謂有友人某將往浙中間爲麾下所獲今布不腆希賜放還施從旁慫恿之陳不得已許於三日後以舟來迎旣而悔之陳子惟心艷其女力言施謀不可從至日命施他往而陰令數卒伺之盡殺來使焚其舟施歸乃告之施驚曰然則敵兵至矣因爲定策度將至伏兵蘆葦中乘其半渡出不意擊之百餘人殲其什七

餘悉遁歸施謂是役後彼必悉衆來敵宜多方戒備而陳  
狃于一勝不復爲意又荒耽酒色施言甚力卒不納施度  
陳必敗易冠服遁去黃渡果駕三四十船圍陳之前後陳  
父子方擁新嬖大醉不能起衆亦倉猝不能覓甲仗以手  
共搏盡爲所殺後

本朝兵破城有某官寓三元寺聞讀書聲召問之卽施也  
與語甚洽因署嘉定令許以至省卽給劄付上任而施之  
父懼禍及朝夕籲天願其事不諧後某官至毘陵疽發背  
死事果不效而施竟以布衣終矣

鼎革時有千總會爲布商販于珠谿與僧顧蘭臺相善其  
後率軍至青邑特遣一兵以令箭護其家令無相犯而顧  
於兵未至前已先蹲伏蘆葦中千總至谿有阿梅者見而  
罵焉千總追之阿梅竟逃至顧所已踰顧而前遁矣千總  
不知誤以蹲伏者爲是也舉力斫之聞其聲知是顧視之  
氣已絕矣數之不可逃如此

又有一卒與珠街鎮劉摩天相善惟嗜殺每日必殺八人  
一日已殺其七矣與劉飲不樂問劉有一人相借否劉因  
以所獲付之卒拔刀將斫忽欲遺以刀倚身身轉刀墮其  
人方跪求見刀墮地急取斫之卒竟死殺人至慘也而必  
欲盡數以爲快宜其以身殉之矣

青龍鎮在吳淞之濱南宋時海舶所集有三亭七塔十三寺烟火萬家謂之小杭州韓蘄王出師以前軍駐青龍卽其地也舊治旣廢今所存不過三四十家惟隆福寺一浮屠屹然尚存季春之月鄉民瞻禮喧闐數日而已然村農鋤地時得瓦瓶以之貯花鮮潤不壞猶南宋時犒軍物也青邑城隍神爲明方伯上海沈公清風直節彪炳郡乘歿爲明神靈爽丕著有蘇人以藩掾來提餉者游于寢宮頗加媠慢是夜忽哀號叩首遍身杖痕其從者亟命舟載歸未及家卽死

順治九年泖濱人於一古塚中見巨蛛如箕大驚以槌擊之腹破獲一珠大於龍眼夜置暗室光明達曙一富家以穀數斛易去後不知所之

柘澤廟右觀音庵有石長二尺許石理作老梅一樹枝幹盤曲儼如圖繪相傳昔年春初開花入夏放葉細密可辨至秋冬則惟存枝幹矣後有進香者誤以楮帛焚石上遂不復吐花生葉

柘澤橋楊侯廟最著靈異順治十一年濟南韓公理爲松郡司理道經廟側見巨舫中一人烏紗絳袍侍衛嚴肅舉手相揖少頃一青衣吏率蓬首婦人直入案前語久之左手皆不見蓋韓子家居時枉死一孀婦卽其人也心悸疾



作不數日而卒

顧開雍字偉南少好學才藻秀麗與陳黃門夏考功齊名  
晚年築室玉屏鳳凰間竹木深秀琴書瀟灑有友人題其  
壁云彥先表表風流吞吐才華卓犖早工詞賦鵬翮未奮  
蛾眉被妬年華冉冉依然徒步修名既立美人遲暮

順治時郡守李公正華性方嚴執法不阿包宜壑

爾庚

有族

子犯法冀公批送司李司李其同年生也公不許會以他  
事偕司李過青宜壑治酒舟中延之不赴司李固請乃卽  
席酒間出令曰天上有天河古人有蕭何蕭何有律王子  
犯法庶民同罪繼至司李云天上有關星古人有關公關  
公有刀鋼刀雖快不斬無罪之人其意已左袒包矣末至  
宜壑云天上有破軍古人有右軍右軍有筆求老公祖筆  
下超生公怡然明日卽批送司李得無恙

沈文恪荃少貧每赴試惟一弟攜襆被以從通籍後飲食  
服御必與弟均友愛三十年人兩賢之

金澤頤浩寺乃宋元古刹殿宇壯麗後廢於火相傳明季  
有一士子於羅漢堂讀書夜聞壁間有聲如鼠啣物者燭  
之見一紙從羅漢背拖出乃趙文敏所書金剛經也因探  
手佛腹其五藏皆白金約重五六兩許明日持經往吳中  
售之得二十金還至寺盡鑿十八應真之背一一括取舟

歸遇盜劫去其人亦被剗出腸而死

奈山宣妙寺佛像極精相傳昔有工來自江右塑諸佛像經歲方畢後工病僧欲延醫治之工曰我想像擬議神思已竭今此軀殼安望再生竟死

曹魯元思年少雋才輕財好客人人願與結交一日燕集

堂中有迦楠天然几一香氣觸人諸公摩挲賞嘆宴畢魯

元令鋸開人贈一方其豪邁如此又嘗往候王農山廣心其

子鴻緒時官翰林項齡已爲御史中丞王命以父執禮見魯元岸然不少假借

諸九峰嗣成進士後以逋糧事波累被廢築室九峰間四

方之士望風來歸者踵相接也每歲上巳重陽祭先賢于尚友山堂集通郡人士及賓客之過青邑者無不與讌時婁東周子俶肇司鐸青邑主持風雅兩人深相契合至今人猶述其逸事

蔡孝廉文炳順治甲午省試以後至難覓居停欲附居同社張婉九寓中張力辭鄰有老嫗屋僅數椽見其固拒遂招之往謂曰吾昨夢紅日入吾門公其是耶今歲當必捷惠涵時患痢扶病入場比至號痢竟止明日揮灑自如出闈時未丙夜也呼酒自酌卽伸紙錄首三藝微聞門外鬼聲惠涵曰如是我祖預來示兆當再作聲果然乃大喜及

言浦縣志 卷四  
明張出讀其文大驚榜發惠涵果中式

晉左將軍袁崧墓在崧宅康熙元年有江右人詭知醫結草軒止於其旁夜鑿地道潛通墓穴半月後不告而去居人毀其室見深入數丈俯瞰黝黑探之得磁椀二古鏡一鏡大五寸許背有小紐圖五嶽真形翠紋剝落能照數百步外衆爭取之致相訐訟遂追入官但不知江右人所盜取者何物爾

此鄉財賦之區困于徭役前明編審大役有細布北運南運種種名色賠累者不一而足其後止有收兌而破家亡身者十之九蓋因兌役一名計費銀一千二百兩稍樸誠者其費益繁始議以主戶充客戶貼大戶充小戶貼及富民詭寄而充者必窮民矣客戶殷實而免脫主戶反赤貧而承值矣後婁縣知縣李公復興者力倡均田均役之法請于上臺入告得允所請于是百年之弊一朝而革至今郡西關外白龍潭有專祠祀之與明海忠介及本朝湯文恪並祀于南郊其承行均田均役之法者婁邑掾馬天麒字石來歿後四邑共歛錢擇地墓於鍾賈山之側示公好也

康熙初魏公球來任青浦有善政時前令不協于衆有好事者作詩一首寓褒貶于花品中雖不工頗可以資法戒

詩曰賢令曾聞植衆芳潘郎不比舊潘郎潘嗣德李花恨落

三更雨李棠樹空遺一段香段大體墜粉蓮房根盡爛房供極足

疽而死搗霜荷葉蓋難張張文斗最貪酷何幸牡丹開魏紫十分春

色在河陽

柳濱龔某夜見沙際有白光丈餘達曙始滅明夜復然因

識其處晨起攜鍾徃于叢荻中獲一蚌巨如箕負歸剖之

得珠如龍眼大光彩瑩澈夜置匣中有白氣騰上數尺總

兵梁公化鳳以百金易之

小蒸西五六里相傳爲漢濮陽王墓墓傍隙地半畝土人

黑夜每見上有光怪故棄而不治後有老者見青氣自下

騰上去土三尺獲古錢萬餘其製不一以鐵條貫之文曰

五銖曰半兩曰泉貨當卽墓中所藏也

韓公世琦撫吳日嘗微行至青邑偶憇南關見有豪民金

某衣服僕從甚都問寺僧具悉姦狀旦至縣治前爲一役

人所識時方雨縣官踉蹌跪泥濘中令拘豪民于皇華亭

鞠之公掣杖籤四十至八十令自掣金得八十公笑曰

是汝惡貫滿矣卽斃杖下

李璇宮孝廉令曲江按柳峰毓秀青邑無李璇宮惟李樞

縣也初赴任夢有人囑曰爾到彼慎無忘惕道人旣覺不

省所謂及下車詢問張九齡祠因及惕道人則廢祠中果



有道人像也李爲修葺其祠并葢數椽祀之無何卒于官妻孥無所居寓場道人祠中竟應所夢

青浦縣學尊經閣久廢惠來張公庚謀重新之會北鄉有富民某以家事訐訟罰任是役于七月二十日上梁有乩仙題對聯云畫棟雕梁挹風景兮東海西山攬雲物兮南箕北斗合東西南北中乾坎艮震巽離坤兌八八六十四處處處人調玉燭丹楹刻桷卜良辰于巳年申月選勝地于亥水寅龍除寅申巳亥外子午卯酉辰戌丑未久久百千萬科科科士卜金甌

蔣京少原撰瑤華集所采青邑之能詞者陳子龍陸振芬

張彥之田茂遇張淵懿張集張豫章陸祖琳陶爾穉董黃周綸共十一人然惟載子龍幽蘭詞湘真詞茂遇綠水詞祖琳澹香詞其餘皆無集名錄一二闕而已至施紹莘選其詞不載其人以此例之踈漏當復不少

王以禎居紫隄村南少慷慨讀書擊劍與里中少年臂鷹牽犬馳騁爲樂豪民某以素叢衆怨羣毆斃之事連以禎遇赦免自是扁舟鄉郭不復爲任俠行家業亦圯猶與朋輩爲文酒會年六十餘卒狀貌常若三十許人

虞山許某寫蠅頭細楷華嚴經作一寶塔塔九級凡九卷爲一級其中雕欄曲檻層各異製脩極精巧遇佛字悉綴

于每級簷首順文而書無少舛錯歷三年始成婁東王奉  
常烟客捐百金寫一座供于鄧尉青邑黃亦山亦供一座  
於優曇禪院凡瞻禮者無不歎為稀有

青邑前輩如王夢求九徵宏才績學以明經老令子西亭原

丁卯戊辰聯捷由知縣內召為工科給事彈劾要官甚著

風節陸吟尺從龍方正不阿終于一矜令子敬峯祖修丁巳已

未聯捷由庶常官至御史丁卯監北闈撤棘後破格薦五

經卷又請寬場中誥誤士子至今賴之朱漢融天瑛嚴毅抗

直亦以明經終令子秩公袁丙辰進士由中書改官知縣

著有政績足徵報施不爽

唐子恪士居徐尚書乾學家有以關節贈之者輒盛怒曰

吾豈不能立致青雲耶自負必作解首故有唐解元之稱

然竟以病廢

西亭先生為銅仁令時入闈分校首題為適之事父三句

一日方閱卷聞鄰房有拍案大訶為不通者因往索其卷

觀之則以倫物屬對竟作二扇格故也先生從容語令云

格奇而法古名魁徃徃有之此卷似宜詳察令大愠舉筆

抹之先生因攜歸洗去抹痕薦之主司為婁東王太史右

棻拔置第二

詩書畫三絕松郡董宗伯後首推沈內翰獅峯宗敬晚年憇

息秦望山莊養花調鶴煮茗烹鱸其話雨軒同陸孝廉晟  
唱和句云豪情燈亂波相映憾事雲深月不來閒與境宜  
詩有分緣隨枕斷夢無痕孝廉贈沈太史云清歌夜繞西  
園舫叢桂香消北海樽寒喜酒人秋夜至閒宜吟客雨中  
來亦佳句也

柏斯民古居嘉善白牛涇時來青邑性耽吟咏每賓客宴  
集輒袖所作質之同席者掀髯朗誦宛若無人其子立本  
兼善畫有元人意

青邑某丞曾以女許舅之子得官後舅旋物故婿無家亦  
隨至任某悔其初議婿怏怏成疾幾死歸至蘆溝橋疾頓

愈後某解餉入都回過蘆溝橋忽不省人事返任後旋止  
旋發諸生禱之城隍廟董少楹爲首夜夢神責之曰渠病  
自有寃對汝何得代爲陳請應罰汝病三月董叩首自陳  
以年長故爲衆所推實非本意乃許以日易月果熱三晝  
夜而愈

己巳冬惠來張公去任士民攀轅卧轍填闕罷市其時來  
摘篆者爲郡司馬百姓訴於其前面赤慚汗不能發一語  
靈芝亦地氣鬱蒸所致不爲瑞物康熙三十一年秋青邑  
北郊外產芝五本邑令李公若元爲詩以紀其瑞不數月  
公罷官邑中亦無有符其兆者

尊經閣之始建有術者云今日上梁諸方無礙獨不利於  
官長無訂邑令張公庚果罷官又一術者云建閣後先中  
必屬犬者癸酉省試錢以朝珂登薦果戊戌生云  
青邑火災未有如康熙三十二年十二月二十日之甚者  
太平橋北有業銅者以鎔銅致火時因久旱百物燥烈遇  
火卽熾橫衝南北延燒數十家雖日午無能撲滅者此地  
爲青谿孔道百貨所萃商賈畢集自後物力益凋敝矣  
邑西巨浸以薛澱爲最次則蓮湖俗稱爲練湖非是此湖  
水底生石蓮花大如錢細瓣紅色遇大風潮激盪根株漂  
泊灘岸始得一見故知者絕少

康熙四十年

聖駕南巡提臣一等侯張公雲翼奏請幸松供億悉備  
上第令滿洲大臣至松慰勞而已及四十四年  
巡幸至蘇張公請益力乃奉

俞旨道經青浦闔邑貢監生員齊集孔宅前恭迎

聖駕二十五日辰刻

龍舸已至孫鉉胡忠定諸宏謚諸宏謙黃宏憲黃旭諸紹  
禹諸宏謨吳廷楷孫鏗黃宗琬黃念修陳旭照袁載錫唐  
瑗汪文輝唐瑄陸晟陸晟王之綱潘肇振方大禮陳時雲  
孫學濬等恭進摺子懇請表彰



聖蹟添設生員

上命內侍登岸接去并細詢孔宅來歷孫鉉等一一奏明  
上命於松江候

旨本日薄暮抵松傳

旨云青浦小縣人物倒也齊整復傳

諭云你們須好觀看不得踹壞麥子由鍾賈而南一半里  
許輒點綴亭閣

上第於舟中觀書回眸一顧而已二十八日清晨學臣張  
公廷樞傳集孫鉉等詣

行宮前跪閱

御製扁額對聯扁額用高麗紙寫聖蹟遺徽四字對聯用  
白綾寫澤衍魯邦四海人均化育裔分吳會千秋世永烝  
嘗二十字復傳

上諭云朕大概書法行草居多此係聖廟所懸純用楷法  
但青浦小邑必無良工爾須帶往蘇州刊刻製造以便懸  
掛學臣回奏云臣當敬謹摹勒監造其

御書墨蹟乞賜臣以爲世寶

上諭此須留藏孔宅朕當另書賜爾孫鉉等齊班叩謝出  
本日

上卽欲幸浙諸父老懇請再留一二日遂往得勝港觀漁

二十九日始由朱涇抵浙省云

王天祥浙人遷居泖濱家頗饒好爲善事常以木棉米麥  
貸里中貧不能償者仍與之人盡稱其長厚康熙四十一  
年有客船爲盜所劫聞於官分遣捕役邏緝適天祥所駕  
船與盜船似捕役遂往執之拷訊不服里黨深爲不平諸  
生朱本沈騶等呈請郡縣力辨其誣而其妻已爲捕人羅  
織以死時方六月屍不臭腐人共竒之會其女哭訴臺使  
發郡守董公鞠訊始得實諸捕人皆抵罪遣戍天祥以釋  
黃渡鎮江橋極稱雄麗康熙初年有金姓者雄於鄉或形  
家言謂此橋鎖斷文脉故君家富而不貴若毀之可立致  
科第因募人夫撤盡迨衆聞知已無及矣訟于官金緣是  
擬徒家亦廢四十二年始建與前髣髴

青龍寺傍有小塔乃宋性空禪師埋骨處康熙四十四年

聖駕南幸

賜性空碑額築亭其上

張能一

學純

善筆籙晷刻之間成詩數首雖險韻無不立就

袁孝廉心友嘗以扇頭杏花索題限董腫捧哄懂爲韻卽  
援筆大書曰雪巘雲竇仙家董春林萬樹和烟腫艷色休  
教蝶使猜清芬莫訝蜂王捧園開綠堦錦爭圍根倚碧雲  
傳未哄宴罷歸來挿滿頭書生本相人須懂雖鬼才何以

加此

王詩字敏梅姿性雋穎四歲能識字作楷書英秀動人六歲就從兄丕烈授經旁治秦漢以下等書脫口成誦大指豁然長習制舉業下筆滾滾不休兼工書畫年十六補縣學生未幾得疾卒妻趙氏未婚守節見列女傳中

戴龍章

聖傳

縣學生能文章賦性落拓夫婦皆善飲修脯入

手輒以易佳味一日晨炊無米其弟子餽以五斗甫至家已去其半蓋室人以易酒肉也因大喜時或酒不繼輒拔簪珥易之曰俟吾中時此種物易置耳五旬外得風疾貧益甚又二年而卒其徒陸漢初墓之

孫思九

鏹

嘗述其曾祖中麓先生任俠仗義有友人不通

聞問數年一日過青龍寺見羣兒戲于地一兒酷似其友詳問之則此友已亡而是兒果其子也攜歸衣食之且妻以女

居喪之禮舉世莫能反古惟思九弟兄守制最嚴大祥外猶茹菜蔬冬遭回祿相率哀號扶櫬置別室他悉不顧

相傳青邑城隍籤詩乃屠公隆所撰故張叔翹

所閱

耕餘

錄云屠公建二陸祠自撰籤語置祠內令邑人以神事之有一隸勾攝違限公將杖之隸詭言卜籤謂當免責不意神乃給我公欲其籤之神也竟釋之然則世俗所傳乃二

陸祠之誤矣

青邑在松郡最稱瘠壤三十年來屋宇漸增民居稠密風俗亦漸趨靡侈輿臺奴隸羅綺爛然尤可笑者親姻治喪例備祭品食案之外又有看桌窮極巧麗始用椀碟繼用盆盎今則皆以木箱盛貯矣每肴一器用粉捏男婦數軀意態生動甘蔗爲坊胡桃爲山動逾尋丈皆於數日前延致遠方治厨之能者爲之凡祭一筵費三四十兩不等始以割出爲奇後以過前爲勝無益暴殄莫此爲甚所當重懲而痛革之也

潘蕩在城南十二里外地名錢家帶此處出鱉最佳秋深簾斷所得每隻約重觔許爲松郡佳味自吳淞開濬後所產差遜于昔然較之他處猶勝而千古獨以鱸魚擅名何也

錢唐顧啓姬寓青邑以詩名新城王尚書題其詩後云五字堅城擬受降數峯黛色落錢江連枝有木由來合並命爲禽本自雙南國才人青鏤管西川節度碧油幢總輪寫韻軒中好花影晨寒玉女牕商邱宋牧仲贈詩曰閨中有高咏茶憶故山泉似此驚人句難爲贈婦篇畫眉君暫輟下榻我相延賦就滕王閣靈風促轉船

邵植庭

成植

自徐聞罷歸專精詩學著有居易堂集古詩入

蘇陸之室近體懷古尤爲擅場咏東晉云祇緣朝士耽名  
理坐使神州竟陸沉蕭齊云貴主尚衣無玉導宮妃鑿地  
有金蓮陳云擬將碧月傳新曲留取張星伴小姑南唐云  
澄心紙樣留新格洗面啼痕憶故宮靖難兵云世無窺鼎  
周公旦古有從亡魯子家真詩史也晚年手鈔明季及  
本朝名人詩盈兩篋蒐羅甚富惜未成書

楊采南

陸榮

有高才所著甚多夜坐云月經昨雨洗來白露

自秋風吹後寒舟中云風催柳葉將青去日薄山椒以紫  
呈燈下云書從掩後尋餘味香到消時起斷烟刻苦成吟  
幾于郊島

二陸綾錦墩碑像爲前明曹慶孫所刻藏于青谿錢氏者  
也嘉靖四十五年有陸氏裔孫名律及其子名鳳翔重刊  
平原內史清河內史半身像與此同嵌華亭縣南節孝祠  
之右今移三賢祠中其碑前爲二陸立像上刊士龍士衡  
四字後云二陸家本雲間遺像罕見至正末郡人曹慶孫  
求張渥寫圖勒石後歸綾錦墩野人錢袞袞恐湮沒送真  
府庠祠內以傳不朽洪武辛未三月教授某某訓導王彥  
文誌字蹟略有模糊然尚可辨

胡中丞寶瓌十五歲始爲詩賦一日庭前牡丹盛開贈公  
攜新釀與其師酌之酒半令賦詩卽成一律以獻曰春寒

收盡蘊香腴特折仙苞舞六銖莫大文章王氣象全滋雨  
露帝工夫旁求莫惜千金買珍重應教百寶扶桃李徧栽  
皆退聽日輪獨照鳳凰雛贈公微笑曰未免張大其詞然  
頗有器局

珠街鎮圓津庵晴崖上人

本

善畫山水尤長於詩其和邵

西樵

現

村居八詠佳句甚夥黃雪廊云數株陰映半天碧

何處香來一院秋冷香徑云花續紛處月橫曉風料峭時  
心解涼話雨篷云眼底秋風蕁菜滑夢中春水權歌清又  
有僧見性者亦能詩如梅殘風昨夜柳潤雨今朝沈妙香  
懋嘗稱之張幻花梁延入指松庵主講

胡徵君鳴玉與長洲沈宗伯德潛同應博學鴻詞賦詩贈  
答遂成知己徵君喜考証經籍碎語著訂譌雜錄宗伯每  
有書出徵君必摘其寫刻謬誤處反覆詳証成編寄之宗  
伯亦心折焉嘗有詩贈之云周旋爾我忘形久閱歷年華  
八十三足徵相與之深

徐明經蒼林

薊

質文於朱素堂

位

門下詩極清麗無題十

二首尤擅名吳江金孝廉學詩詩云徐陵宮體擅當時寄  
我新題七字詩歸去泖湖爲問訊停雲落月最相思南漚  
吳孝廉省蘭詩云徐陵筆架珊瑚樹素練輕縑詩格同同  
邑邵明經記詩云謝草江花入夢思玉臺宮體擅當時從

今棗木流傳遍愛唱君家幼婦詞嘉定朱文學綿生詩云  
一灣淩蕩住詩人絕艷雲箋五朶新早歲才名江左滿徐  
陵大抵是前身

汪烈妻邵氏爲植庭先生女工刺繡有針神之目亦能詩  
已卯二月繡西湖春泛圖工雅不減元人自題二絕云斷  
腸風信今番幾吹得新潮分外青好放木蘭艇子去春光  
容易過西冷桃花如雨柳如烟點染西湖亦可憐屈指春  
光惟九十吳綾一幅記年年不逾月而卒前詩殆其讖也  
閨閣詩亦有淵源曹黃門一士張行人梁均善詩曹公女  
采蘋秋夜云破夢砧聲敲落月喚愁蜚語咽殘更張公女  
職思落葉云詩思飄零三徑雨別情撩亂半窗風洵克承  
家學也


楊明府師震有和嚴海珊刺史梅花原韻其佳聯云荒城  
有渡雲拖水古寺無僧月在門驢背詩殘流水外驛樓書  
寄白雲中睡鶴夢中依素影幽禽爭處惹寒烟描情寫景  
頗饒事外遠致

歛人王兆五幼失怙恃撫於戚屬程升昭家嘗隨諸童蕩  
舟爲戲程訶之由此痛自刻責弱冠時積三四十金人勸  
之娶不應有妹鬻於人贖歸具粧資嫁之又數年復積數  
十金往江西贛州尋其祖骸骨知爲諸父所厝仍返青邑

言海縣志  
墓父子天馬山入土三尺許得玉馬一雕琢精巧兆五未  
嘗學問而孝友性成如此玉馬之與天殆有以啓其後耶  
泗涇亦名小栗里背山臨谿最爲勝地名流輩出汪氏一  
門如峭厓烈笠夫熙以詩文名芥舟炯江峯杰以書畫名  
峭厓淮陰侯云當時諸呂無強敵已死重瞳有快心留侯  
云閒來地上逢黃石老去天涯訪赤松笠夫白燕菴云心  
驚宦海投簪早病老江干跨犢閒白菊云一徑幽香宜月  
淡滿籬寒影倍霜清一時風雅可繼南村也

陸湘萍貽爲孝廉晟之孫詩學放翁石湖嘗讀書城西郊  
有句云春雨芒屨蘭笋寺秋風鐵篴澗山湖風裁雋逸惜

早歿



文政癸未



